

**GWEINIDOGION Y DU SY'N GWEITHIO MEWN MEYSYDD  
DATGANOLEDIG**

**Rheoliadau Protocol Nagoya (Cydymffurfio) (Ymadael â'r UE) 2018**

*Dyddiad gosod yn Senedd y DU: 15 Tachwedd 2018*

**Sifftio**

A fydd angen eu sifftio yn Senedd y DU?	Bydd
Gweithdrefn:	Negyddol arfaethedig
Dyddiad trafod gan Bwyllgor Offerynnau Statudol Ewropeaidd Tŷ'r Cyffredin	27 Tachwedd 2018
Dyddiad trafod gan Bwyllgor Craffu ar Is-ddeddfwriaeth Tŷ'r Arglwyddi	Yr wythnos yn dechrau 26 Tachwedd 2018
Y dyddiad y daw'r cyfnod sifftio i ben yn Senedd y DU	3 Rhagfyr 2018
Datganiad ysgrifenedig o dan Reol Sefydlog 30C:	Papur 30
Memorandwm Cydsyniad Offeryn Statudol o dan Reol Sefydlog 30A (oherwydd ei fod yn diwygio deddfwriaeth sylfaenol)	Dim angen

**Gweithdrefn graffu**

Canlyniad y broses sifftio	Anhysbys
Y weithdrefn	Negyddol neu Gadarnhaol
Dyddiad trafod gan y Cyd-bwyllgor ar Offerynnau Statudol	Anhysbys
Dyddiad trafod gan Bwyllgor Offerynnau Statudol Tŷ'r Cyffredin	Anhysbys
Dyddiad trafod gan Bwyllgor Craffu ar Is-ddeddfwriaeth Tŷ'r Arglwyddi	Anhysbys

**Sylwadau**

Cynigir bod y Rheoliadau hyn yn cael eu gwneud gan Lywodraeth y DU o dan adran 8(1) o, a pharagraff 21(b) o Atodlen 7 i, Ddeddf yr Undeb Ewropeaidd (Ymadael) 2018.

Diben y Rheoliadau hyn yw sicrhau bod rheoliadau yn y DU sy'n gweithredu Protocol Nagoya ar fynediad i adnoddau genetig a rhannu manteision yn deg ac yn gyfartal yn deillio o'u defnyddio, a fydd yn parhau i fod yn weithredol ar ôl i'r DU adael yr UE.

Mae'r DU yn rhan o Brotocol Nagoya yn ei rinwedd ei hun a bydd yn parhau i gael ei rwymo gan rwymedigaethau'r Protocol ar ôl i'r DU adael yr Undeb Ewropeaidd. Mae'r Rheoliadau hyn yn sicrhau cydymffurfiad parhaus â'r Protocol ar ôl gadael.

Cymhwysir y gyfundrefn gyfredol (sy'n cwmpasu materion datganoledig a rhai sydd heb eu datganoli) yn unffurf ar draws y DU gan Lywodraeth y DU. Mae'r Rheoliadau hyn yn darparu y bydd dull unffurf ar draws y DU yn parhau ar ôl gadael.

Mae Cynghorwyr Cyfreithiol yn cytuno â'r datganiad a osodwyd gan Lywodraeth Cymru dyddiedig 20 Tachwedd 2018 ynghylch effaith y Rheoliadau hyn.

Mae'r crynodeb uchod a chynnwys y Memorandwm Esboniadol i'r Rheoliadau hyn yn cadarnhau eu heffaith ac i ba raddau y byddai'r Rheoliadau hyn yn deddfu polisi newydd mewn meysydd datganoledig.

Nid yw Cynghorwyr Cyfreithiol o'r farn bod unrhyw faterion sylweddol yn codi o dan baragraff 8 o'r Memorandwm ar Fil yr Undeb Ewropeaidd (Ymadael) a Sefydlu Fframweithiau Cyffredin mewn perthynas â'r Rheoliadau hyn.

Nid yw Cynghorwyr Cyfreithiol wedi nodi unrhyw reswm cyfreithiol i geisio am gynnig cydsyniad o dan Reol Sefydlog 30A.10 mewn perthynas â'r Rheoliadau hyn.